

Vil liute des hât verdrozzen,  
den diz mære was vor beslozzen;  
Genuoge kundenz nie ervarn.  
Nû wil ich daz niht langer sparn,  
5 ich tuonz iu kunt mit rehter sage,  
Wande ich in dem munde trage  
Daz slôz dirre âventiure,  
wie der süeze unt der gehiure  
Anfortas wart wol gesunt.  
10 uns tuot diu âventiure kunt,  
wie von Pelrapeire diu künegîn  
ir kiuschen wîpflichen sin  
behielt unz an ir lônnes stat,  
dâ si in hôhe sælde trat.  
15 Parzival daz wirbet,  
ob mîn kunst niht verdirbet,  
ich sage alrêst sîn arbeit.  
swaz sîn hant ie gestreit,  
daz was mit kinden her getân.  
20 möhte ich dises mæres wandel hân,  
ungern wolt ich in wâgen;  
des kunde ouch mich betrâgen.  
Nû bevilh ich sîn gelücke  
sîme herzen, der sælden stücke,  
25 dâ diu vrevil bî der kiusche lac,  
wand ez nie zagheit gepflac.  
daz müeze im vestenunge geben,  
daz er behalde nû sîn leben,  
sît ez sich hât an den gezogt,  
30 in bestêt ob allem strîte ein vogt

was (waz vor *L*) verslozzen (beslozzen \**T*); \**G* (*ohne Z*) (\**T*)

w. schîn \**T* (*I*)

daz si \**G* \**T*

ich des (ditse *Fr18* [*Fr24*]) m. \**G* (*ohne Z*)

ich wolde (wolge *G*) in u. w.; \**G* (\**T*)

sîn (sinem *Z Fr18*) g., \**G* \**T*

sîn herze ([*Sin*\* herze\*]: *Sin* herze *V*) der s. st. (rvcke *Fr18*), \**G* \**T* (*V*)

dâ diu übel (diu da vbel *I* Daz div frevil *Fr18*) bî \**G* (*ohne Z*) dâ der v. bî \**T*

muoz \**T* (*Z Fr18 Fr24*)

daz behalte dâ sîn l., \**T*

ob allen strîten \**T* (*I*)

\**D*: *D* \**m*: *m* (*ohne* 734.21) *V* \**G*: *G I L Z Fr18 Fr24* \**T*: *U* (*ohne* 734.30)

**1** Überschrift: Hie kvmmet parzefal zû sime brüder vnde vindet den von geschiht fervis anschefin vnde wurt mit imme veltende *V* Hie ligt der kunic gramoflantz bi siner frowen vnd wil hohzit haben vnd hat sich parzifal da von verstoln vnd ritet da hin *Z* · Prachtinitiale *D* · Großinitiale *Z Fr18 U* · Initiale *m V G L Fr24* **3** Majuskel *D* **4** Majuskel *D* **6** Majuskel *D* **7** Majuskel *D* **23** Initiale *I* · Majuskel *D*

**1** des] dis \**m* (*nur m*) **4** daz] ez \**m* **12** sîn] schîn \**m* (*nur m*) **13** unz] im \**m* (*nur m*) **17** ich sage allerêst sîn arbeit, \**m* **18** swaz] wan waz \**m* **20** möhte] mohte *D* **27** müeze] muoste (müsse *V*) \**m*